

ODOEJE NIWAKATE TIMÓTEO

Paulo yaxawa lioneega Timóteo me nakato Goniotagodi. Naqaca eliodo acaagaca laami Timóteo oiigaxitece lotaga Aneotedogoji nigica malee nigaanigawaanigi. (Awiniteloco 2 Timóteo 1.2,5; 3.15). Paulo yadeegi Timóteo me lixigagawa nigijo nigmota mitoataale me diniwiaje me yatematitedibece nibodicetedi anele. (Awiniteloco Atos 16.1-4). Timóteo yaxawa Paulo nigijo me idí nigijoa itiwataale liwakatetigi Coriintiotedi, Filipeensitedi, Colosseensitedi, ijoa itiwataale liwakatetigi Tessaloniceensitedi, codaa me nagajo liwakatetigi Filemom. Oixotio Timóteo me nowienogodi ica lapo loiigi Cristo. (Awiniteloco 4.12-16; Filipenses 2.19-23).

Paulo eo leemidi Timóteo leegodi niginoa niigaxinaganegeco ane degewiteda baanaga ilaagiteloco lapoli loiigi Cristo. Eo loniciwaga Timóteo me dinoniciwagaditeloco libakedi, codaa me daga doi leegodi me lioneega. Paulo iladeetece nigica ane leeditibige modipokoteloco eledi oko nigina moyotaganegē Aneotedogoji, codaa aagaga iladeetece nigica anodaa leeditibige me lakatigi nigina me yatecogo. Codaa aagaga yalagata nigica anodaagee moiolatice niginoa lacilodi loiigi Cristo, codaa nigica anodaagee nigica anepegege wi me liotagi Cristo. Aagaga diigaxinagatece nigica ane leeditibige modigotiogi nigina laxokodipi, lionekadi, inaa wajekalodipi. Nogowidijegi Paulo iladee Timóteo nigica ane leeditibige modaagee lewiga.

Paulo yecoaditibige Timóteo

1 ¹Ee Paulo, ee liigexegi Jesus Cristo. Aneotedogoji ane Gonewikatitogodi, joaniginiaa idiiye, iniaa Goniotagodi Jesus Cristo, ane inibeoonagatibigege nigica noko nige dopitedijo. ²Timóteo, jidikotibigagaji leegodi me idejigotagawa micataga degevi makaami ionigi, igaataga ee jaotibige me iwagati Goniotagodi.

Jemaa Aneotedogoji Godiodi, iniaa Goniotagodi Jesus Cristo midioka limedi meletagadomi, codaa midioka limedi metigadiwikoden, codaa mowo midioka limedi mele gadaalegena.

Icoa niigaxinaganegeco ane degeleteda

³Jigijo me jao ipoketegitaagawa nigijo naga iniwiajeticogi macatagateloco Macedônia, pida natigide jipokotacagawa midiaagoni nigotaga Éfeso. Jemaa moxoki nigidi noiigi anodiigaxinagatece niigaxinaganegeco ane degeleteda.

⁴Codaa anajoinitiniwace nigijo ane gonioxoadipi me dagadiaagoyiwagadi niçicoa latematiko gadaamipi ane degewi, codaa onixigi lakataga nigijo baanaga ma. Igaataga nigijo latematiko nigijo gadaamipi inokeo me idinotigimadenagatiwage. Agetigodaxawa me jiwagatece Aneotedogoji otegexaagaga owo mepaanaga ejiwagataga. ⁵Jigidaagele memiitiogi manajointiniwace gonioxoadipi, amanagawini yapidi laalegenali me dinemaatiwage, codaa amanagawini odeemitetece catiwedi laalegena me digica libatiigi, codaa amanagawini ewi meniwagatakanaga, aqokowo meniwagatakanaga. ⁶Onatecijijo oko eyamaqaticoace, oika eliwagatakaneggegi anewi, inokaanaga odotagatigi niginoa notaga ane digica jaogate. ⁷Nigidi oko domogoyemaa modiigaxinagatece Aneotedogoji liigenatakanegeco, pida idiaagidi nigidi noiigi agoyowoogodi ane diitigi niginoa lotaga.

Liigenatakanegeco Aneotedogoji

⁸Jowoogotaga liigenatakanegeco Aneotedogoji mele, nigina nigele me jibakena. ⁹⁻¹⁰Codaa jowoogotaga liigenatakanegeco Aneotedogoji agodakapetege nigina oko ane igenaga, pida dakapetege nigina oko abeyacegegi; nigina oko ane daga yeteteteda Aneotedogoji liigenatakanegeco, codaa ane degeyiwaqaditeda, ina ane daga deemitibige Aneotedogoji, inoa abeyacagaga, ina oko ane napioi laalegena, ina ane dogoyemaateda Aneotedogoji; nigina anonigodi epaa eliododipi, codaa anonigodi eledi oko; ina ane loomatewa ane daga lodawa, inaaginoa goneleegiwadi anopitege inaagina goneleegiwa, codaa nigina iwaalepodi anopitege anaagana iwaalo; ina anodolice oko moiotation; ina oko anidioka limedi me diwitaka; ina ane niwitakaga owotibige moibeyacagadi eledi oko; codaa nigina aneo okanicodaagica loenatagi me doletibige me dakapetege niigaxinaganeggegi anele. ¹¹Nigida niigaxinaganeggegi ida aneetege nibodicetedi anele anoicogoticogi miniwataga Aneotedogoji ane datale, codaa aniboonagategimadaga. Jiginiaa najigotediwa niginoa gobodicetedi anele me jatematitedibece.

Anodaagee Aneotedogoji me iwikode Paulo

¹²Iniotagodetibigimece Goniotagodi Jesus Cristo, ane najigotediwa yoniciwaga me joe ane libaketedi, leegodi me yemaa me idinakato, codaa idiomaqaditedice me jibatema. ¹³Idaagida me beyagi me jotaqatibige Goniotagodi nigijo jotigide, codaa jiatetibece nigijo anoyiwaqadi Goniotagodi, codaa me ee goneleegiwa loidenigi nigijo jotigide. Pida Cristo idiwikode leegodi nigijo yaonataka ane jaote, leegodi maleedaga jowoogodi nigica anewi, igaataga anaga jinakato Goniotagodi nigijo jotigide. ¹⁴Pida nigina natigide Goniotagodi eliodi me idibinie, eote mejiwaqadi codaa me jemaa Goniotagodi Jesus Cristo leegodi me idexogotege.

¹⁵Niginoa notaga yakadi me jinakatonaga, codaa inatawece nigina oko leeditibige modibatege leegodi ele niginoa notaga. Digawini ane diitigilo niginoa notaga,

“Jesus Cristo enagi digoina iigo,
enagi me yewikatidi niginoa abeyacagaga.”

(Joanigidaa meo Paulo njida ligeji). Emegee dagaxa me ee abeyacegegi caticedi niginoa eletidi abeyacagaga.¹⁶ Pida jigidaa leegodi naga idiwikode Aneotedogoji, eotedibige Jesus Cristo me nikeetediwa meliodi me dinatitediwa, ane dagaxa me ee abeyacegegi. Odaa jigidaagee naga ikee me yakadi me dinatiteta codaa me iwicode inatawece nigina oko anicota monakato, odaa nigina oko jogodibatege lewiga ane digica liniogo.

¹⁷Natigide jiweniqidenaga codaa idioka limedi mele me jiboonagatenaga nigijoa goninonigi-eliodi anidioka limedi me diigenataka, Nigijoan daga yeleoteda, ane digicoateda me jinataga, oniniwatece me Gonoenogodi, anowidi lixaketedi. Odaa jigidaagee (Amém).

Ica Timóteo ane leeditibige me iigetiogi mowo njidi oko

¹⁸Timóteo, idejigotagawa micataga degewi makaami ionigi. Jiigetagawa mawii nigijoan baanağa ejitedağawa. Niginoan yotaga liciagi nigijoan lotaga nigijo anoyelogoditedibece Aneotedogoji lowooko anoditadadici. Niginoan notaga etigadoniciwagati mele middelegeni niginoa ane beyagi codaa manigaanyetece, magekeni. ¹⁹Leeditibige moteteni gatiwagatakaneggegi, awii inokina anowoogoti me igenaga. Inatibece oko agowo njida anawii, joanigidaa leegodi moyaaagadi eliwagatakaneggegi, odaa ja liciagi nagana etogo ane domololetini. ²⁰Mijotaga nigijo oko, ijoan itoataale goneleegiwadi anodita Himeneu, ijaa Alexandre, ane jajigota libaagadi Satanás, amaleegaga oyowoogodi me degele me jotaganagatibige Goniotagodi.

Nigina me jotaganegenaga Aneotedogoji, leeditibige me jipokagateloco inatawece oko

2 ¹Odoejegi nimedi jemaa me gadiladeenitece nigina oko me leeditibige modipokotalo nigina moyotaganegge Aneotedogoji, modipokotalo Aneotedogoji me yaxawatediogi inatawece eledi oko, codaa modiniotagodetibigimece Aneotedogoji. ²Leeditibige modipokoteloco niginoan inionaga-eloodoli, codaa inatawece nigina ane niigenatakanaga, amaleegaga jakamogojogo, ağıca ane godigecagalege, nigina me jaoga ane yemaa Aneotedogoji, codaa nigina me jeemiteegatibige eledi oko. ³Igaataga Aneotedogoji yakadi mele njidaagejinaga, codaa jaoga me ninitedibece Aneotedogoji Gonewikatitogodi. ⁴Iniaqiniwa yemaa me yewikatidi inatawece oko. Codaa eledi yemaa minatawece oko icota moyowoogodi anewi.

⁵Igaataga oniniwatece Aneotedogoji,
codaa ijoan onijoatece anepoka yakaditeda me godatecogoteetetege
Aneotedogoji,
niginiwa Goneleegiwa, Jesus Cristo.

6 Ijaagijo dinajigo me yeleo me yeditatedogodomi godoojedi me godewikatidi okotawece.

Nigijo noko Jesus naşa yeleo Aneotedogoji epaa nibikota niğijo noko, joanigidaa ikee Aneotedogoji me yemaa me godewikatidi okotawece.

7 Joanigidaa leegodi Goniotagodi meote me ee liigexegi. Idiige me jelogodi gobodicetedi anele, codaa me jiigaxinagatece gotiwagatakanegi anewi miditaga niğidi noiigi ane daga judeutedi. Niğida me ee ajiwitaka, jelogodi anewi, leegodi mida anejitege Cristo.

**Anodaa leeditibige mejinaça niğina me jatecogojoço
me joggegatalo Aneotedogoji**

8 Jemaa goneleegiwadi moyotaganegi Aneotedogoji okanicodaağica aneitice me yatecogo. Odaa niğina moyotaganegi Aneotedogoji leeditibige monawacetibige libaagatedi, anoibake mowote inokinoateda libaketedi Aneotedogoji. Leeditibige me daga neligideega, otegexaagaga oyawieteda Aneotedogoji me wajipatediogi niğina moyotaganegi. **9** Eledi jemaa iwaalepodi me dogodinixotinigi nowoodağagi aneo me beyagi lowooko goneleegiwadi, niğino ane dakake loojedi, codaa me degewianaga oyoigege lamodi, otegexaagaga dagaxa me dinanatece oolo, otegexaagaga niğino aletidi elomağajetecidi. **10** Pida jemaa niğina iwaalepodi me libinienigipi leegodi mowote loenataka anele, ane ikee managana iwaalo ane deemitetibige Aneotedogoji. **11** Niğina iwaalepodi leeditibige me notokotiniwace niğina mowajipata modiniigaxitece anodaagee ica mejiwigatakanaga, codaa leeditibige modeemitetibige niğino lacilodi anoyiwagadi Goniotagodi. **12** Eledi ajikatece iwaalo daga diigaxinagatece Aneotedogoji lotaga, daga iiğaxi goneleegiwadi, otegexaagaga yakadi me iiğe goneleegiwadi. Pida leeditibige me notokotiniwace. **13** Adão ijapaga iiğe Eva, leegodi Aneotedogoji odoejegi me yoe Adão, odaa nigidiaagidi jağaga yoe Eva. **14** Igaataga diaabo anijijaa inaale Adão, pida Eva başa inaale, odaa Eva ageyiwağadi niğijo liigenatakanegi Aneotedogoji. **15** Pida Aneotedogoji eote me yewigatace iwaalo, nige dinigaje, codaa nige dowediteloco lionigipi, nigidokee meyiwigadı Goniotagodi, nigidokee me yemaa edeli oko, nigidokee me yewigatema Aneotedogoji, nige yajacagadi lowooko, codaa nige dinajacağıditema niğino anepea lidaqataka.

**Ica anodaa leeditibige mee lewiga ica anoxipetedicoace
me niigenatakanaga miditaga loiigi Goniotagodi**

3 **1** Niğino notaşa ewi. Nigica ane yemaa me iiğe Goniotagodi loiigi, niğini oko yemaa niğica nibakedi ane dagaxa mele. **2** Joanigidaa leegodi niğina ane dowediteloco Goniotagodi loiigi leeditibige minığina niğina ane diğica ane yakadi degee minoa loenataka ane beyagi. Leeditibige mokanitece lodawa, codaa mele me dowediteloco niğida anee me yewiga, leeditibige mele me

dowooko, coda modeemitetibige. Leeditibige mele me dibatege laniaalaga, coda leeditibige me niitigi me diigaxinaga. ³Leeditibige me diginigina acipegegi, otegexaaqaga loidenigi. Pida leeditibige me nigina goneleegiwa okaagegi, ane digica meo nidelegegi, coda leeditibige me diginigina ane dagaxa me yemaa dinyeelo. ⁴Nigini goneleegiwa leeditibige mele me iige ligeladi, iiqaxi lionigipi moyiwagadi, coda modeemitetibige. ⁵Igaataqa nigina goneleegiwa nige daga yakadi me iige ligeladi, odaa ayakadi me dowediteloco loiigi Aneotedogoji.

⁶Nigina ane dowediteloco loiigi Aneotedogoji, leeditibige me diginigina goneleegiwa ane gela me nakato Goniotagodi, amanagawini nigini goneleegiwa adinanetibece. Igaataqa nigina ane dinanetibece, Aneotedogoji icota me iloikatidi digo mijotaga diaabo me iloikatidi. ⁷Nigina moxipetice goneleegiwa me iige loiigi Goniotagodi, leeditibige moxipetice nigina goneleegiwa anodeemetetibige nigina oko ane dogonakatoteda Goniotagodi, amanagawini nigini goneleegiwa agica liboliga, coda diaabo eloona ayakadi daga dibata.

⁸Idagee nigina anoiige libaketedi niiakanagaxi, leeditibige me nigina oko anidioka limedi modeemetetibige anee me newiqa, coda leeditibige me nigina oko ane yakadi me jinakatonaga mida ligeji. Eledi leeditibige me nigina goneleegiwa ane dagacipegegi, coda me diginigina anodoletitibige me dagaxa modinigaanyetece dinyeelo. ⁹Nigidi oko anoiige libaketedi niiakanagaxi leeditibige mewi moyotete niigaxinaganegeco anoikee anodaageeta gotiwagatakaneggegi, coda moyotete niigaxinaganegeco me dogodeemetetece catiwedi laalegena mida anigetiqida libeyacegegi. ¹⁰Eleditace nigidi oko leeditibige me nigina baanijijo moiici. Odaa nigodibotege nicinigico, nige digicata anoyakaditece libatiigi, odaa ja yakadi moiige libaketedi niiakanagaxi. ¹¹Coda lodawadi nigidiwa goneleegiwadi anoiige nibakedi, leeditibige me nigina iwaalepodi anodeemetetibige nigina eledi oko leegodi anodaagee lewiga, coda me diginigina iwaalepodi alaganagaga. Leeditibige me dinajacagaditema niginoa lidekeco, coda leeditibige nigina eledi oko midioka limedi moyakadi monakatotibigiji. ¹²Niginoa goneleegiwadi anoiige libaketedi niiakanagaxi, leeditibige mokanitece lodawa, coda leeditibige moyakadi moyajacagadi lionigipi, coda me iditawece loiigiwepodi. ¹³Igaataqa nigina goneleegiwa nigele me diigenataka, odaa joaniginiaagodeemetetibige, coda mabo laalegena me yalagata gotiwagatakaneggegitema Jesus Cristo.

Ane leegodi Paulo me idí naqadi notaganagaxi

¹⁴⁻¹⁵Timóteo, inibeotege me age mejotagawa. Pida jidikotibigagaji leegodi ayenikamaga daga idajebi, pida jogowoogoti ane leeditibige mejinaga liwigotigi loiigi Aneotedogoji ewikegi. Nigina loiigi Aneotedogoji liciagi nigina diimigi, leegodi oyotete liigaxinaganegeco anewi, aneote me datitetiniwace, odaa liciagi naqana awoonaga aneitigi liwigotigi diimigi ane datiteti. ¹⁶Agica ane yakadi degee niginoa niigaxinaganegeco me degewiteda anoikee anodaagee gotiwagatakaneggegi me dagaxa me gonegegi. Digawini ane niigaxinaganegeco:

Goniotagodi dinikee me liciagi goneleegiwa.

Aneotedogoji Liwigo ikee me igenaga Goniotagodi,
coda me niaanjotedi onadi.

Gobodigitigi Goniotagodi ilaagiteloco inatawece ane noiika,
odaa nigina oko digoina iigo jogoyiwagadi.

Coda Aneotedogoji nawacetedibigimece Goniotagodi digoida
ditibigimedi midita ga latalaga.

Icoa niigaxinaganadi anodiigaxinagatece ane degewi

4 ¹Aneotedogoji Liwigo yenikamaga me nelogoditogowa nicipotalo nigicoa
owidijedi nokododi, odaa eliodi oko oika modioteci gonigaxinaganeggegi
aneetece gotiwagatakaneggegi. Odaa nigidi oko odioteci niwicidi awitakagaga,
coda odioteci niigaxinaganegeco ane icogotedigi minitaga diaabo. ²Nigidiwa
goneleegiwadi anodiigaxinagatece niginoa niigaxinaganegeco awitakagaga
coda me goninaalenogododi. Agaleegodeemitece catiwedi laalegena
nigina mowote ane beyagi, ja micataga daantaga yeleo laalegena. ³Nigidiwa
goneleegiwadi liigaxinaganeggegi yoli oko me wado, coda modi minoa
niweenaga ane degeleteda me jelica ga. Pida Aneotedogoji eote niginoa ane
goweenaga me jelica ga, odaa nigida moko ane jinakatonaga Goniotagodi,
coda ane jowoogotaga nigica anewi, jakataga me jelica ga okanicodaagica
niweenigi, nigina naga iniotagodeegatalo Aneotedogoji leegodi nigida
niweenigi. ⁴Igaataga inoatawece Aneotedogoji liidagatajedi ele, ayakadi digica
ane jilicotagatice, pida nigina me jibagatege okanicodaagica niginoa ane
goweenaga, leeditibige me iniotagodeegatalo Aneotedogoji. ⁵Igaataga nigina
me jalomegenagatelogo Aneotedogoji lotaga, coda nigina me jotaganegenaga
Aneotedogoji, odaa Aneotedogoji ja ibinie goweenigi.

Anodaagee nigica Jesus Cristo liotagi anele

⁶Nige ajoini gonioxoadipi me gadalaki nadoneggegi inaa niweenigi,
odaa jagakamagakaami nigica Jesus Cristo liotagi anele, leegodi
midioka limedi mowoo notaga aneetece gotiwagatakaneggegi, coda
me iwitece niigaxinaganegeco anewi, anakaa iwitece. Nigina mowoo
niigaxinaganegeco anewi, odaa ja gadiciagi nigina oko ananiodi
inoatawece nokododi me doletibige me yoniciwadi. ⁷Pida leeditibige
mikani nigijo latematiko nigina laxokodipi, igaataga agica jaogate niginoa
lotaga, coda aicogotedigi miniwataga Aneotedogoji. Adinoniciwagati
me gadewiki mawii nigica ane yocaganege Aneotedogoji micataga nigina
nalokodegecajo ane dinoniciwagadi me diniigaxi. ⁸Igaataga nigina me
idinoniciwagataga me jaoga godolaadi me yoniciwadi agica degeliodi me
jiniboloiteenaga, pida nigina me idinoniciwagataga me jaoga ane yemaa
Aneotedogoji mejinaga me godewiga, dagaxa mida ane jaoga. Igaataga
godaxawa me jiigaga anejinaga me godewiga ane yemaa Aneotedogoji

nigina natigide, coda a eledi godaxawa me inibeoonagatege nigica noko nigidioka limedi me godewiga miniwataga Aneotedogoji. ⁹Niginoa notaga ewi, coda a jakataga me jinakatonaga inoatawece niginoa notaga. ¹⁰Joanigidaa leegodi meliodi me jibaaga, coda a me jawikodeega leegodi nigina oko anodotagatibigogoji, leegodi me jinakatonaga Aneotedogoji ewikegi. Igaataga Aneotedogoji yemaa me niginiaaginiwa Newikatitogodi inatawece nigina oko, coda a ewi me yewikatidi nigina anoyiwagadi.

¹¹Iigaxinaganitece niginoa ane jiigaxitedagadici, coda a iigeni nigina oko mowo ane leeditibige mowo. ¹²Jinigikanu digica ane gadotani leegodi makaami lioneega. Pida awii nigina anoyiwagadi Goniotagodi moyakadi mele moiwi aneni me gadewiki mocaganegeni Goniotagodi, odaa leeditibige modioteci gadakataga, makaami niwinigijegi nigina anoyiwagadi Goniotagodi. Ele makaami niwinigijegi nigina motagani, coda a anodaagemiita eledi oko, anodaageni memaani eledi oko, anodaageni manakatoni Goniotagodi, coda a anodaageni madowetiteloco gadaalegena me yapidi. ¹³Nigepaagejotagawa oleetibige mawii gadoniciwaga malomegenitelogo Aneotedogoji lotaga nigina me yatecogo nigidi anoyiwagadi Goniotagodi, eledi ele madinoniciwagati majacagati nigina anoyiwagadi Goniotagodi, coda a iigaxinaganitece anodaagee gotiwagatakanegegegi. ¹⁴Jinaga domigikanu nigijo gadixakedi ane yajigotedagawa Aneotedogoji nigijo nogoipeketagaloco libaagatedi nigijo laxokodipi lacilodi anoyiwagadi Goniotagodi, odaa jogoyelogoditagawa Aneotedogoji lowooko. ¹⁵Ele mowoo niginoa yotaga, coda a adinoniciwagati mawiite niginoa ane yotagatedagawa amanagawini inatawece oko onadi mewi madowetiteloco Aneotedogoji loiigi.

¹⁶Akamagakaami adinoweti coda a adowetiteloco gadiigaxinaganegi. Nigidokee mawii nigina anejitibigagawa, odaa Aneotedogoji gadewikatititace, coda a me nigina anowajipatagawa.

Anodaagee ica nowienogodi loiigi Goniotagodi me dowediteloco nigina oko

5 ¹Jinagawiceni motaganegeni nigoxoki nigina goneleegiwa oxiigodi, pida oxoki ademii micataga daga gadiodi. Coda a oxoki niginoa lionejadi ademiita micataga daga ganioxoadipi. ²Oxoki nigina iwaalepodri laxokodipi micataga daga gadiododipi. Coda a oxoki nigina awicijipi mademii micataga daga ganiwaalepodri, midokee gadwoooko me yapidi nigina motaganegeni.

³Eemiteetibige coda a maxawani niginoa wajekalodipi ane digica anoyakadi nimawenegegi. ⁴Pida nigaca wajekalo ane idi lionigipi, mige lawadipi, odoejegi leeditibige midiaagidi odowediteloco, ane godiigaxitece gotiwagatakanegegegi me jaoga. Joanigidaa nigoyediatece eliododipi icoatawece nigicoa baanogowote moniliidagaditiniwace. Igaataga Aneotedogoji yemaa me jedianaga godiododipi. ⁵Naçana wajekalo ane digica ane dowediteloco, nibeotege Aneotedogoji me

yaxawa, coda a idioka limedi me yotaganege Aneotedogoji, enoale, coda a me noko, dipokotibigimece me yaxawa. ⁶Pida nagana wajekalo ane yewiga mepoka dinema, idaa gida malee yewi ga lolaadi, pida ja micata ga daantaga yeleo. ⁷Anajoinitiniwace nigina oko mowote niginoa ane jiigaxitedagadici, amanagawini ajica ane laagetedipi. ⁸Pida nigica oko ane daga dowediteloco litaagi, otegexaagaga eliododipi ane noiigiwepodi, ane dagaxa mida ane jaoga, odaa iniaagini nigini oko ja ika me diotece niigaxinaganegi gotiwagatakanegegi, coda a ja beyagi anee caticedi nigina oko ane degeyiwagaditeda Goniotagodi.

⁹Nagana wajekalo nige yemaa me diniditini liboonagadi mawatiogi anoyaxawatiogi nigina anoyiwagadi Goniotagodi, pida leeditibige midiwa caticedi me seseenta nicaagape, coda a mokijotece me wado. ¹⁰Eledi leeditibige nigina oko moyowoogodi minoa loenataka anele anidioka limedi meote, coda a mele me iliadagadi lionigipi, mele me dibatege lanakepodi anodiita ligeladi, coda a me iwilegi logonaka nigina anida anetege loiigi



(1Timóteo 5.8)

Goniotagodi (ane ligilegegi nigina me wiajeega), me yaxawa nigina oko ane dawikode, coda me dinoniciwagadi meo okanicodaagica libakedi anele.

¹¹ Pida jiniqidiiini liboonagadi nigina wajekalodipi bagaleegawicijipi. Igaataga doidetibige dogoniwitalo lidekeco midi miwaalepodi, oditaga jogoika monakato Cristo, jogodoletacibige me nadonaga. ¹² Ade nilaagetedipi leegodi me dogodowediteloco nigijo odoejegi nigegitege Cristo. ¹³ Codaan odiniigaxitece me nigojigipi nigina migotece niginoa diimaga. Pida agidokida me nigojigipi, jagaga diniigaxitece me alaganegegipi, coda me motagaxadi, oditec niginoa ane degele me godotaga. ¹⁴ Enice jajoi nigina wajekalodipi bagalee awicijipi me nadonagatace, amaleegaga ica lionigipi, codaan amaleegaga odowediteloco epaa ligeladi, amanagawini agica gaantokaagini leegodi godaxakawa daga beyagi me dotagatibigogoji. ¹⁵ Igaataga jijijo wajekalodipi aneyamagaticoace, odaa jogodioteci Satanás. ¹⁶ Nigica goneleegiwa, ogoa domige iwaalo aneyiwagadi Goniotagodi anidi litacepodi wajekalodipi, leeditibige modowediteloco nigidi wajekalodipi, odaa ele me dogoikatece loiigi Goniotagodi dogoneditatiwace. Odaa loiigi Goniotagodi yakadi moilaagatece moyaxawa nigina eledi wajekalodipi ane digica anodinagakatidi.

Laxokodipi ane niigenatakanaga

¹⁷ Nigina laxokodipi ane niigenatakanaga anele modowediteloco loiigi Goniotagodi, nigina gonioxoadipi leeditibige modeemitetibige coda moyaxawatece lagalanaga, enegegi ele moyaxawa nigina baanegeliodi me nibaaga, moyatematitedibece gobodicetedi anele ane icogotedigi miniwataga Aneotedogoji, coda moyelogodi niigaxinaganegeco aneetece gotiwagatakanegegi. ¹⁸ Igaataga lotaga Aneotedogoji mee,

“Jinaga agoeni nioladi ewalaile
nigina me nipodi leyeema me nigakala.”

Nigijo eledi liwai lotaga Aneotedogoji mee,

“Igenaga nigina moyedia nibakecajo loojedi me diba.”
¹⁹ Jinaga domaga ajipaata nigica ane doletibige me dakapetege nigijo laxokodipi anoiige Goniotagodi loiigi. Pida idoka ajipaata nigina nige idiva iniwataale mige iniwatadigini oko nakataganadi, anonadi meo anigida libeyacegagi. ²⁰ Eliite moxoki lodoxe loiigi Goniotagodi nigina ane daga yemaa me ika meotibiga libeyacegeco, amaleegaga nigina eledi gonioxoadipi odoita mowo ane beyagi.

²¹ Lodoxe Aneotedogoji, coda me Goniotagodi Jesus Cristo, coda me lodoxe nigijo aanjotedi liomagataka Aneotedogoji, gadiigeni motetenii niginoa ganajoinegeco anejitedagawa. Coda oleetibige midokida anemiitiogi gonioxoadipi, coda nigina mawini anee eledi oko, jinigica ananienaganegeni daga leegodi me gadokaagedi.

²² Jinaga gadajolitaki me ipekeniteloco gabaagatedi lacilo okanicodaagica oko ane diniomaqaditema libakedi Goniotagodi. Adagawanitege libatiigi eledi oko. Pida akamaqakaami otetenii gadaalegena me yapidi.

²³Jinegemaanitibige minoka acipeta ninyogodi, pida awii acipeta onatecigida viinyo amaleegaga liwetadi gawokomaga, igaataga geme elioditibece mileeni gawokomaña.

²⁴Inatibece oko yenikamaga me jinataga libeyacegeco, odaa jowoogotaga micota me iloikatidi Aneotedogoji. Pida inatecibece eledi oko aqicoa me jinataga libeyacegeco nigina natigide, pida icota me yelogotelogo anigida noho. ²⁵Codaa idaagee, inatecibece oko yenikamaga me jinataga minoa libaketedi anele, pida inatecibece eledi oko aqicoa me jowoogotaga libaketedi anele nigina natigide, pida icota me jinataga anigida noho.

Paulo yalaqata niotagipi inaa otagodepodi

6 ¹Inatawece ane niotagipi, leeditibige midioka limedi modeemitetibige niotagodepodi, amanagawini aqica ane beyagi me dotagatigi Aneotedogoji Liboonagadi, codaa niginoa godiigaxinaganegeco. ²Nigina niotagipi ane niotagodi inaagina aneyiwagadi Goniotagodi leeditibige me dogoikatice lakatigi me dineemitetiwage idaagida me dinioxomigipi. Pida leeditibige me dagaxa mele modibatema niotagodi, igaataga nigina niotagodi me dinigaanye leegodi libaketedi anele nigini liotagi, codaa iniaagini nakato Goniotagodi, odaa Goniotagodi yemaatedibigo.

Iigaxinaganitece codaa ajoinaganitece niginoa ane jelogoditedagawa.

Icoa niigaxinaganadi ane degewei icaaqicoa goniliicagajetecidi anele

³Nigicatibece ane diigaxinagatece eledi niigaxinaganegegi, ane daga niwoditema lotaga Goniotagodi Jesus Cristo, anepegewi niginoa lotaga, codaa nige daga niwoditema niigaxinaganegegi gotiwagatakanegegi, ⁴⁻⁵nigina goneleegiwa liciagi anivenigidenegegi, pida aqica lixakedi. Lemaanigi me dotigimade, codaa me dideletigi leegodi anodaa diitigilo notaga. Joanigidaa leegodi me nocetema okanicodaagica, didele, dotagatibige eledi oko, beyagi me yowotibige eledi oko, idioka limedi me dinotigimadetege eletidi goneleegiwadi, niginoa liciaceekawadi, agabo me niwaxinaganaga, codaa agaleegica liigaxinaganegegi anewi. Nigidi oko odiletibige nigina anodibatema Goniotagodi digicota anigida noho me dagaxa me liicotedi. Jinaga adinawanaganitece oko liciaco nigidi analee jelogoditagawa.

⁶Pida nigina oko anoyewigatema Aneotedogoji odibatege owidi anepegewi me niliicagajetecidi, nigina nige ninitibigiji leegodi okanicodaagica anoyakadi. ⁷Igaataga nigida moko aqica ane inadeegaga maleeka janiiyatini, codaa jowoogotaga me digica ane jadeegagatini nige godeleo. ⁸Enice nigidi ane jelicaga, codaa ane idinixomagatinigi, leeditibige me godinitibece me jakataga. ⁹Pida nigina anodoletibige me liicotedi, diaabo icota me dineetiogi, odaa ja dibatiogi eloona. Odaa eloona diaabo jegeo minoa lakataga ane degeletededa, codaa me lowooko yetoliwadi ane yaagadi lewiga, odaa jaqaniaditema icoatawece niqicoa ane domaga nepilidi. ¹⁰Igaataga nigina oko ane dagaxa

me yemaa dinyeelo, niçida lemaanaganegegitema dinyeelo ja micataga daga ditode catiwedi laalegena. Odaa inoatawece ane latopaco nibeyacegeco ja ili catiwedi laalegena leegodi nagadi litodi. Eliodi oko dagaxa moyemaa dinyeelo, odaa joanigidaa leegodi meyamagaticoace meniwigatakanaga, odaa ja dagaxa me nawikodeega micataga niçina oko anepaa yojogota nodaajo laalegena.

Icoa gonajonegeco

¹¹Pida akamagakaami anakaami Aneotedogoji liotagi, oxaxini niginoa ane beyagi anejitedagawa. Adinoniciwagati minoka awii ane igenaga, codaa mawii Aneotedogoji ane yemaa, codaa adinoniciwagati mepaanaga iwagati Goniotagodi, memaan eledi oko, codaa midioka limedi matiteti icaagica nige awikodee, codaa adinoniciwagati mawii makaami okaagegi. ¹²Adinoniciwagati me aatege inoatawece ane beyagi, leegodi me jinakatonaga Goniotagodi, codaa adowetiteloco gadewiga ane yajigotedagawa Cristo. Leegodi Aneotedogoji jiginiaa eniditedagawa meote me gadewikitace me gadexocitege Cristo nigijo negeni manakatoni niginiwa ane Goniotagodi lodox eliodi oko anida aneetege Goniotagodi. Geemeni Jesus Cristo me Goniotagodi, me Lionigi Aneotedogoji, odoo eliodi oko owajipatagawa, odoo nakataganadi. ¹³⁻¹⁴Natigide, lodox Aneotedogoji aneote lewiga inoatawece niginoa aninoa, codaa me lodox Jesus Cristo ane dinelogodi me Goniotagodi lodox Pôncio Pilatos, nigijo lacilo romaanotedi, jemaa me gadiigeni iwagati ane niigetedogowa Goniotagodi, codaa moteteni gadaalegena me yapidi codaa me digica gabatiigi, nigepaa icota me dinikeetace Goniotagodi Jesus Cristo. ¹⁵Aneotedogoji eotace Goniotagodi me dinikee nigica noko anepaa nibikota. Aneotedogoji jiginiaaginiwa ane odogetetalo, leegodi meliodi loniciwaga, codaa mokiniwatece me Gonoenogodi. Jiginiaaginiwa inionigi-eliodi ane iiçe inoatawece inionaga-eloodoli digoina iiço, codaa jiginiaa Goniotagodi ane iiçe inoatawece ane otagodepodii. ¹⁶Iniokiniwateda me Gonoenogodi anida nimawenegegi midioka limedi me yewiga. Aneite eliodi me datale, odoo agica ane yakadi mipegitalo leegodi agica anabotege naçaca nilokokena ane datale. Codaa agica ane nadi Aneotedogoji, otegexaaagaga yakadi mica ane nadi. Pida jemaanaga minatawece oko odogetetalo, odoo idioka limedi moyajigotalo nagatetigi. Odoo nigidaagee (Amém).

Icoa najoinegeco niçina liico

¹⁷Niçina ane liicotedi, aninoa nepilidi digoina iiço, anajointiniwace me daga dinanetibigiwaji, otegexaaagaga onakatoteda niliicagajetecidi igaataga doidetibige maniaditema. Pida iiçeni monakato Aneotedogoji anewikegi, Nigijo aninoa ane najigotedogowa eotedibige me godinitibece. ¹⁸Ajomi mowo anele, nigepaa owidi nigicoa libaketeli libinienaga, me liciaj niliicagajetecidi mowidi. Codaa ajomi me nigomaga moyawalace moyedia eliodi oko. ¹⁹Odoo nigidaagee jogoyowidagatee eletidi niliicagajetecidi ane daga daateda, anoyaxawa minoatawece nokododi me

newiga digoina iigo. Odaa jigidaagee nigonoliti gela lewiga ane najigotedogowa Aneotedogoji, odaa jogoyakadi midioka limedi me newiga miniwataga.

Owidijedi lotaga Paulo

²⁰Timóteo. Oleetibige mele moteteni niginoa niigaxinaganegeco aneetece gotiwaqatakaneggegi anoyajigotedaqawa moteteni. Oxaxini niginoa notaga anowo Aneotedogoji me deligide, ane digica niwaló. Oxaxini niginoa notaga anodinotigimadetigi nigina oko anodiletibige daantigidaagida ica godixakedi, pida anigidaagida nigica begewi me godixakedi, leegodi dakapetege niigaxinaganegeco aneetece gotiwaqatakaneggegi. ²¹Igaataga nigina anodiotezi nigicoa nixaketedi ane degewi, jegeyamagaticoace, odaa agaleegodioteci niigaxinaganegeco aneetece gotiwaqatakaneggegi.

Natigide jemaa Aneotedogoji midioka limedi meletedagadomi akaamitawecetiwaji. Odaa jigidaagee (Amém).